

EW NAMOPUNG

A awora ukukun \$28,500 seni ewe Monienapen ewe Legislature-un Chuuk ren fan asengessin monien niwinimangen ewe uttut-sefan ren Governor non 1978, me pwan ren ekkoch popun.

Epwe Pung me ren ewe Legislature-un Chuuk pwe:

Tetten 1. Iei a kawor ukukun \$28,500, ika fite ukukun mei namot ren an epwe tongeni naaf, seni ewe Monienapen ewe Legislature-un Chuuk ren fan asengessin monien niwinimangen ewe uttut-sefan ren Governor non 1978.

Tetten 2. Ei ukukun moni mei kawor non Tetten 1 epwe einet ika no-ngeni ewe Kepina ewe epwe wisen tumunu nounoun me mwokutukutun ewe moni ren an epwe chok fiti meta mei affat me non Tetten 1 ren mwokutukutun ewe moni, iwe esap pwan wor katoun me nounoun ei moni epwe nap-seni ei ukukun mei kawor. Met ukukun ei moni esemwo it ne nounou ika esemwo nussuno non September 30, 1979, epwe niwin sefaan ngeni ewe Monienapen Legislature.

Tetten 3. Ewe Kepina epwe awora an repot won napanapen nounoun me mwokutukutun ei moni ngeni ewe Legislature me mwen May 15, 1979, epwe affa-tatiw:

- (1) unusen porausen nounoun ewe moni fongen me ukukun nussun mei chiwen wor non April 30, 1979; pwan
- (2) met sakkun atoot ika anapanap ren ewe nussun moni esemwo it ne nounou non April 30, 1979, an epwe nounou non ek-kewe nimu amuchunoon maraman ewe Fiscal Year.

Tetten 4. Ei namopung epwe poputa pochokunan ika a kapunguno me ren ewe Kepina, ika pusin winitit annuk, nge semwo pwan chiwen kapunguno.

Sain seni:

Tadashi C. Wainit
Tadashi C. Wainit, Speaker
Legislature of the Truk District

Annetata:

Datasi Albert
Datasi Albert
Legislative Clerk/Secretary
Legislature of the Truk District

Pwinin maram:

December 11, 1978

A kapunguno seni:

Erhart Aten
Erhart Aten, Governor
Truk District Government

Pwinin maram:

11 December 1978